



丁亥伊香保漫吟十首

宮島誠郎再拜

早稲田大学図書館
文書27
E 72



八月十二日予以避暑公暇挈妻兒遊伊香保

途中記所見

我家去年人皆病今年我家人悉痊官例避暑賜清
暇豈可不遊八月天十二日晨急治裝挈妻提子意
欣然出門直向上野去人家昧旦未起眠汽笛鳴芳
人蟻聚車輪奔駛漲煤煙紅日一竿朝露涼風拂袂
青井田宿霧徐散山遠現赤城鬚髮並呈妍鴻巢
熊谷一瞬過本莊忽到高崎邊鐵路盡時達厩橋臨
線樓上午餐傳香山從此僱人力幌車幾輛追後先
鐵車疾如離弦箭人車遲似逆潮船炎塵撲面紅于

聲調謗雅不必拘
於古風亦以場調
為好也字清平
皆仄上中出為三五
兩字以清為白
於元白體又似別論
並易字字始清

入後傳錄

火纔存一息渴欲顛晚投香山氣清爽上方下界分
凡仙笑顧妻孥皆無恙顏色與山相對鮮

似宜加題目
而以此作敘

去年妹保科氏携二子孝一貞二自米澤來視
母病行程七十五里二晝夜而達東京實八月
十二日今歲余以是日適遊伊香保仍賦此篇

以寄阿妹云

阿妹至孝出天性遠聞母病中心驚投梭下機起上
道提携二子孝與貞山河四百八十里并夜與晝二
日程及來視母母在蓐相見無言淚交傾自來侍母
共寢食豈無天地感至誠母日復常喜勿藥容顏如

真摯語從
至性流出注

用活筆

真是二字弱
收白宜句

玉神氣平然後携兒歸故里營食織衣家計成阿妹
真是女丈夫噫我應愧為汝兄去年迎妹正今日今
年我向香山行長女在家代色養阿妹念母與勞情

贈弟小森澤君玉

或寬思

君玉向者奉職海軍省前後十有五年鞠躬
盡瘁自少屬累遷到大書記官叙從五位中
轉任參事院議官猶主海軍部法制賜勳四
等旭日章可謂勲勞偉矣乙酉冬政府革制
參事院廢官為非職君玉年強仕志方盛余
以為朝廷用人必擇其才應不日復任特望

幸此清暇未遊香山與余同養身體以供他
日之用因賦此篇

阿弟向為海軍曹氣吞寰海何雄豪夙與五洲爭其
長欲造巨艦駕鯨濤十五年間如一日鞠躬奉職多
勤勞君今少我可五載頭髮斑、見二毛曾在內閣
參機事論法究理分秋毫天子賞之以勲位煌、
旭章賜金褒時遇革政身非職人間泰否誰能逃只
須徐養凌霄翼際會風雲重翔翺我來伊香試遊賞
願將山綠染同袍此間安心真良藥待君遠來酌松
醪連牀對話傷今昔有時拔劍風怒號起倚層樓一

收句
蒼涼悲壯
雲部讀

長嘯赤城矗立蒼天高赤城山名

八月十九日日蝕午後二時太陽自右虧至四
時全既蝕暗黑如夜少頃復故蓋百年一回有
之云因賦之

日中天無日驚呼人出庭暗黑同昏夜青空唯見星
咫尺失人面山川視無形咄、是何變幕地陰風腥
我登香峯頂凝望窺天廷瞬間光一射太陽如燭螢
五彩忽煥發雲色耀瓏玲已拂扶桑木又浴咸池汀
一日晝夜二天鷄側耳聽久學天文法觀測術未靈
日是君之象久照麗天明百年猶既蝕君子慎常經

自古樸勝

祭似可易哭字
之靈二字而省
小序二字亦不
必香可牙也
下注有敘二字

所以古之聖改過畏天刑

八月二十日祭弟小森澤政瑞殉難之靈

小序是日舊曆七月朔日乃當政瑞祭日余
偶寓伊香嘯雲樓茲修薄奠供野花新酒以
招魂戊辰之役政瑞奉藩主上杉侯命援東
軍在奧州岩城平憤東軍不振進勵隊兵奮
戰自朝至午擊退強敵遂中銃丸斃行年二
十九藩侯恤殉難賜祿五十石今已二十年
恍如昨日因憶政瑞自幼讀書學劍十六甫
冒他姓及長馳馬操砲傍善詩及和歌曾從

藩侯于役江戸居櫻田邸三年自戊午至庚
申時方天下多事櫻田之變親目擊之能記
時事筆成萬言最妙尺牘有暇則往學塩谷
安井門講修經史性溫厚不與人爭頗有老
成人之風所交日多名聲且著其歸國也事
他姓兩親艱難持家藩侯擢為記錄所補負
編纂米澤新史大有成績我兄弟中推為第
一有一男名忠吉今未叔父君玉家勤學云
嘯雲樓頭雲霧昏向東遙招亡弟魂魂今欲來風颯
山水無邊帶雨翻舉杯拜跪薦薄奠天寒日暮啼

原要二字再約

哀猿因憶戊辰當國難。誓抽丹心報主恩。兄弟四人
各奉命。我捧上書叩。天闕一弟若松一北越。汝率
隊兵援東藩。此戰原初意要清君側。何知王師出錦藩。白
石連衡是私盟。東軍不振齊羊豚。汝自勵兵殊死戰。
奮鬪卻敵雷霆奔。自朝至午餐無暇。一身貫中砲丸
痕。汝軀已斃城忽陷。陰風慘澹巖平原。我主聞報淚
為下。賞功賜祿貽子孫。回頭倏忽二十載。當時成敗
向誰論。偶遊香山遇茲日。無端往事觸懷繁。曾從藩
侯役。江戶獻策時務足萬言。櫻田奇變親目擊。手裁
尺牘今尚存。餘力就儒修經史。師事宥陰與息軒。名

以不利之筆
不朽之身
長歎
窮哭
信作
口疑
重龍佩服

此心宜加整目
移原在作
鈞

聲赫著交日廣。語言雍、如春溫。况冒他姓養二老。
辛艱持家晚結婚。汝德當與古賢比。汝風能使薄夫
敦。四兄弟中推第一。馬術劍法世所尊。米澤新史著
成卷。由來直筆無枉寬。噫汝沒世未三十。繼家有子
固基根。同宗賢叔愛佳姪。並慶忠孝聚一門。芬秋花
兮湛野酒。炷香長拜哭聲吞。靈兮幸饗敬此祭。聊摘
蕪詞代蘋蘩。

八月三十一日獲兒大八書信自清國保定府
發詳報近况欣喜無量。先是大八以四月十二
日航海赴清國投贊蓮池書院掌教張廉卿先

波濤成聲

生門余紹介其子導岷君得入學因賦二篇
噫我老大無所為。汝已英年遠求師。渡海西入幽燕
地。負笈學道要及時。張氏廉卿今偉人。蓮池掌教育
英奇。令嗣導岷忘形友。紹介托汝不相疑。先生山斗
人瞻仰。文宗周漢修古辭。已許門前栽桃李。憶汝昂
然伸秀眉。如今東海水橫流。手撐狂瀾果屬誰。學問
由來貴倫理。汝日勉勗志勿移。賴汝顯揚非所願。願
汝他年特達知。巨鐘待叩。即鳴。囑汝勿恨就師遲。
自汝之去日。遠思魚雁杳。來何遲。自與汝別六經
月。忽接尺書我心夷。報道黎君來秦蜀。張公相邀肝

膽披。汝與導岷同執謁。談笑高堂對酒卮。黎曰子今
遠負笈。子父舊好不我欺。子能居業久有得。他年顯
揚果可知。張曰子父未識。面人已忠厚。見其詩。况與
兒沆交。莫逆我今視子均視兒。情深義重感何極。喜
自中來不自持。卷舒百回如面晤。讀之令我忘別離。
蕤齋經濟一時傑。廉卿德行百世師。汝生何幸事二
老。諄教誨皆箴規。文章不朽經國業。經史總是立
身基。噫汝孜。宜勉勗。慎莫成山一箕虧。

香山客舍寄贈春畝伊藤大臣夏島別業此夕
舊曆七月望明月在山秋氣襲人因賦二律

卷舒自如水老
作家未易臻此
聖龍評

總皆極皆易
灰

得意烟波雲水間。相公居似野人閑。虛軒臨海能容
衆。直道經邦豈說艱。裴度築堂思綠野。謝安對局卧
東山。蓬萊咫尺紅塵隔。即是君家銷夏灣。
豪氣銷磨舌尚存。長裾無意曳朱門。憑君偶幸陳微
力。笑我曾頻呈直言。老驥常懷千里志。饑鷹久待一
呼恩。香山今夜秋風冷。碧海遙招明月魂。

余寓伊香殆將三旬。宿痾離體。元氣漸復。因賦
之閣筆云

自入山來詩思催。人間百事總皆灰。無日山中不閑
適。除眠與食唯酒杯。一年三百六十日。憂患病苦又

提得起

悲哀。有何樂事保身生。唯須九夏避炎埃。儒術修來
無用世。周孔之道安在哉。素餐徒費太倉米。元知我
無經國才。天意如何生此愚。自顧自笑還自猜。五尺
形軀眇。耳志氣恃何欲宏。恢青山相對不相語。白
雲出岫去。又來自今須賦招隱篇。山家酒熟桂花開。

造法天能不何剛作

北京嶺行結郎以
惜脂車在門未獲
况誦良用恢
近外十首無纖巧
詔無所聲
服淨身辱

解、下河不致不員塵露之見
御云塞責此真有益於海
山也 子如 謹誌

清新庾開府
後逸鮑參

軍持讀再
三如入芝蘭
之室壓倒

元白斷推此

種

顧厚昆續

